



18. oktober 2019

UKA2019/51

Apersortittoqartillugu, akunnaallisoortoqartillugu, katittoqartillugu ataasiartumik immikkut ma-toqqasumik aaqqissuussinissamut imigassanik kimittuunik kimikittunillu neriniartarfinni, imer-niartarfinni, akunnittarfinni il.il. ulluni sapaammiik sisamanngornermut ullaassakkut nalunaaqutaq 04.00 sassaalliinissamut qinnuteqartoqarsinnaanngornissaa anguniarlugu imigas-samut inatsismmut allannguutissamik saqqummiusseqqullugit Naalackersuisut peqquneqarnis-saannik Inatsisartut aalajangiiffigisassaattut siunnersuut. (Tassani ilaassapput ukiuni 25-ni, ukiuni 50-ni katiffissionerit il.il.) peqatigiiffiit nalliuttorsioneri, siulersuisut ataatsimiinneri, Inatsisartunut qinersineq, kommunalbestyrelsinut qinersineq il.il.

(Aleqa Hammond, Nunatta Qitornai)

Imigassap qanoq annertutigisumik atorneqassanersoq aammalu qanoq annikitsigisumik atorneqas-sanersoq inummi namminerimi akisussaaffimmiippoq. Imigassamik atueriaaserput ukiuni kingullerni 25-ni allangoriartuinnarsimavoq.

Eqqaamavara meeraallunga inuusuttuaranngorlungalu ulluinnarsuaq sumi tamaani fiistattartorsuit, nipilersuutit igalaakkut silammut qiviinnaqalugit appisimaarrattartorsuit, sumi tamaani putoqqasut nipiliortut takussaasarlutik aammalu sulinissaq eqqarsaatiginagu putoqqaattoqartarluni. Isigisaq nunatsinni tamapajutta immaqa eqqaamavarput.

Qujanartumik ullumikkut tamakkuninnga isigisarsimasut misigisartik aallaavigalugu namminneq taamatut imigassamik atueriaaseqarniaratik isumaqartut amerlalluinnaqaat. Akisussaassute-qartumik, imminut paarisumik, ilaqtariinnut ataqqinnittumik aammalu imigassap atornerani imerniutigiinnarnagu atuisut amerlalluinnaalernikuupput.

Imigassap inummut aammalu ilaqtariinnut qanoq kingunerluutigineri annertuut pillugit naalakker-suisunik pinaveersaartitsinerimik aalajaatsumik aamma peqquteqarput. Imigassamut politikitta aammalu pinaveersaartitsinerup paasititsiniaajuarnarullu aalajaatsup kinguneraa tamanna, quja-narluinnartoq.

Tamassuma soorunami aamma kinguneraa imigassamik atuinerput ukiuni kingullerni apparujus-suarsimaneranik.

Angerlarsimaffitsinni aammalu namminerisamik aaqqissuussatsinni imigassallertilluta nammineq aaliangersinnaavarput qanoq sivisutigisumik imigassartortoqassanersoq, tamanna kiffaanngissuseq nammineq aaliangigassaavoq qaqugukkulliinniit atuutsissinnaasarput.

Nunatta Qitornai

Inatsisartuni



Nunatullu aqqissugaanitsinni imigassamik sassaalliteqarsinnaanermut malittarisassat naligiissut, privatimik aqqissuinermiippat imaluunniit tamat orniinnarsinnaasaannik peqataaffigisinnaasaanillu aqqissuinermiippat kisiannili sassaalliisarnermut inatsit ataani inissimasuuppat isumaqarpugut tamanna naliginnaasumik atuuttut malillugit ingerlasariaqartut. Assigiimmik sassaalliisarnermut inatsit atuuttariaqartut isumaqarfigaarput imaannata ilissi privatiungassi taava ilissi sivilisunermik pisinnaavatsigit, tamanulli ornitassaasinnaappata sivikinnermik. Nunatut sapingisaq tamaat naligiimmik naapertuilluarnermillu tunngaveqartumik ingerlatsiniarnitsinni akuersisutininik peqartut assigiimmik atuuttussaataaffectartariaqarnerat isumaqarpugut.

Taamatut oqareerluta isumaqarpugut UPA2019/57-mi isumaliutissiissutikkut ataatsimiititaliap naalakkersuisunut kaammattuutigisimasaa tassalu sutorniartarfiit neriniartarfiillu ataasiaannartumik atuuttussamik akuersisutininik tunniussisinnaanermut periarfissaqannginnera namminerisamik oqarnerusoq tamat orniguttarfiat tassaassasoq tamanut inatsimmut aamma atuuttuusariqartoq malinneqartoq.

Siunnersuut tapersinngilarput.